

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), tačke III i IV Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2022. godinu Federalnom ministarstvu raseljenih osoba i izbjeglica, V. broj: 492/2022 od 14.04.2022. godine („Službene novine Federacije BiH“, broj: 29/22) i člana 22. Pravilnika o unutrašnjoj organizaciji Federalnog ministarstva raseljenih osoba i izbjeglica broj: 02-02-1967-11/18 od 04.03.2019. godine i broj: 02-02-685-9/20 od 30.06.2020. godine i broj 02-02-685-21/20 od 17.11.2020. godine, federalni ministar raseljenih osoba i izbjeglica, **raspisuje**

**Javni poziv
za dodjelu novčanih sredstava porodiljama povratnicama na području
entiteta Republika Srpska**

I

Objavljuje se Javni poziv za dodjelu novčanih sredstava porodiljama povratnicama na području entiteta Republike Srpske iz Federacije Bosne i Hercegovine u entitet Republika Srpska, na ime poboljšanja pronatalitetne politike.

II

Pravo na dodjelu novčanih sredstava imaju porodilje povratnice iz kategorije manjinskog povratka na područje entiteta Republike Srpske i to:

1. Da su članice povratničkih domaćinstava na području entiteta Republika Srpska;
2. Da imaju prijavljeno prebivalište u opštinama povratka na području entiteta Republika Srpska;
3. Porodilje koje su rodile djecu u periodu od 01.07.2021. – 30.06.2022. godine

III

Iznos novčanih sredstava, zavisit će od ukupnog broja djece u porodici i to:

- Prvo i drugo dijete;
- Treće i četvrto dijete;
- Peto i više djece;

IV

Isplata novčanih sredstava će se izvršiti na transakcijski/tekući račun porodilja.

Prijava na Javni poziv treba **obavezno** da sadrži slijedeće dokumente:

1. Čitko popunjenu i potpisanu prijavu porodilje na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2, 71000 Sarajevo;
2. Ovjerena izjava o zajedničkom domaćinstvu (kućna lista), ne starija od 30 dana;
3. Originalno uvjerenje porodilje o prebivalištu (CIPS) ne stariji od 30 dana;
4. Kopija lične karte (obavezno)
4. Uvjerenje nadležnog organa o ostvarenom povratku porodilje (Uvjerenje o povratku);
5. Rodni list novorođenog djeteta/djece rođenih u naznačenom period, kao i rodni listovi ostale djece sa kućne liste porodice; (obavezno)
6. Kopija ugovora sa bankom o otvaranju transakcionog/tekućeg računa porodilje (obavezno)

Prijave sa svim traženim dokumentima dostaviti lično ili poštom preporučeno, sa naznakom

“Prijava na Javni poziv za dodjelu novčanih sredstava porodiljama povratnicama na području entiteta Republika Srpska”

na adresu:

**Federalno ministarstvo raseljenih osoba i izbjeglica
Ul. Hamdije Čemerlića br.2, 71000 Sarajevo**

(Na poleđini koverte navesti ime i prezime podnosioca i tačnu adresu)

Rok za dostavljanje prijava na Javni poziv je 30.06.2022. godine

Nepotpune i neblagovremene prijave neće se uzimati u razmatranje.

MINISTAR

dr.sci. Edin Ramić

Broj: 05-32-5- 862-1/22
Sarajevo, 01.06.2022. god.

